

吉安府志卷之三十

中憲大夫知吉安府事

列女傳

段氏婦吳媛唐史臣兢之後永新人歸段生子期月而夫卒年二十二父母兄弟憐其少欲嫁之媛引釵刺目以示志乃止 段逸其名

歐陽觀妻鄭氏永豐人修之母也年二十九守節教

吉安府志

列女傳

子修以文章忠節名天下事在瀧岡阡表

段氏婦顏永新人詡姊鵠之母也寡居耿介嚴肅鵠才學有聞皆母所訓勵邑人嚴重之 段逸其名

朱雲孫妻劉氏安福人姑病雲孫封股以進而愈姑復病劉亦封股以進又愈時稱朱孝婦 見朱史

彭雲翼妻劉氏安福人歸雲翼三年生子應時未晬而雲翼亡守節四十年而終楊萬里稱之曰貞節

婦

孫節婦項氏吉水人宣和七年夫以逋負出走項為

里胥所逮至中途欲侵凌之項引刀自刺而死郡
以聞徽宗詔贈孺人旌表其閭

見宋史 孫逸其名

蕭聘婦失其姓泰和人蕭楚聘之父母厭楚貧改適
他姓嫁之日楚適過其車下僮僕偶以言婦知之
遂縊死車中楚義之終身不娶讀書三顧山下
劉生妻歐陽氏安福人劉家邑新樂鄉生以事出惡
以來欲侵凌之歐陽不受辱而死邑人劉寬作詩
以弔之時紹興六年也

李辛娘龍泉人紹定己丑南安寇犯邑被掠以刃加

吉安府志

列女傳

二

項脅以隨行幸娘年十八大罵曰吾士夫家女肯
從汝奴輩乎遂爲所殺

孫臬妻文氏丞相文天祥長妹兵出興國臬入謀文
氏對曰吾兄破家殉國君奚以妻子介懷乃悉出
簪珥以供軍需未幾臬被執文氏奉孫氏生母携
子蕭翁約翁及一女赴燕零丁孤苦中持禮守義
不失其操丞相集杜詩有曰近聞韋氏妹零落依
草木深負鵲鴿詩臨風欲慟哭

譚烈婦趙氏永新人德祐末江南旣入元永新獨城

守不下宋叛將劉槃引元兵破城趙抱嬰兒隨舅
姑匿邑校中爲悍卒所獲殺其舅姑及夫執趙欲
汚之不可臨之以刃曰從則生不從則死趙罵曰
我良家子與其不義吾生寧從吾舅姑與夫死耳
遂與嬰兒同遇害血漬禮殿兩楹八軌間爲婦人
抱嬰兒狀久而宛狀如新或磨以沙石不滅又煨
以熾炭其狀益顯

見宋史譚逸其名

左幼白妻龍氏永新人龍氏年十九來歸幼白幼白
爲江西廣洋庫使從元兵攻廣海卒于軍龍氏出

吉安府志

列女傳

三

貴託親黨迎幼白柩歸塋剪髮誓不他適居喪時
嘗折榴置靈几瓶中旬日枯卉復生因植之庭翰
林承旨歐陽玄爲大書榴萱扁其堂楣

楊用霖妻蕭氏泰和人蕭歸用霖事其姑孝姑病口
不能出時紅巾賊將掠安成蕭私語子婦劉曰姑
老且病我當留養汝宐急去劉應曰母旣留兒寧
忍遠去乎且向傳寇至皆訛言幸俱留不死未可
知也遂皆不奔未幾寇果至猝入城名權殺辱呼
號震遠邇蕭語劉曰吾義不受汚卽自投井中劉

繼之隣婦鄧氏陳氏聞而繼之俱死先是蕭與鄧陳皆邇熟往來語及時事嘆不知死所蕭指井曰設不幸赴此而已鄧陳皆曰原與子俱至是果狀安成劉雲章嘗著蘭陵烈婦傳聯書之弘治間知縣楊南金爲立四節婦祠

劉閨妻失其姓安福人元季之亂寇將及郡境閨妻暨其鄉老儒吳崧之子婦各率其族嫗窳湯村已而度必不脫相聚謀曰與汚而死曷若前死不朽之爲完也卽相挽赴深水以歿於是寇至婦稚俘

吉安府志

列女傳

四

者將萬人東鄉鄧龍章之婦王氏又以不屈死先是密湖劉纘被檄聯兵扼東北龍章兄弟率衆赴義功最多王氏辱出俘者憤狀曰設不幸有死而已寧能辱已以苟活乎及是果狀時劉雲章欲遍訪溺者名氏著之奔走兵亂卒未暇及云

劉節婦龍氏名琇安福人時淮賊李明襲安福衆驚走欲西渡雨漲舟不可得賊奄至琇與姑訣曰吾世襲詩禮從父轉走十餘年未嘗辱於寇今至此命也吾義不可以苟活辱親吾當就死魚腹耳語

且行姑呼止之賊已逼應曰母行勿顧吾手不可使賊得牽也遂投漲以溺賊急倒戈援之竟沒當是時賊驅逼數千百人琇以弱齡粹質皦然有以得其志於青天白日之下衆無不感嘆揮淚賊亦相顧驚喑逐虜緩衆賴得脫

劉逸其名

彭九萬妻李氏永新浯塘人當元至正壬辰紅巾寇亂省掾陳允中辟九萬行軍鎮撫九萬馳牒上官嚴設方畧李趣具食勞軍士戰大捷寇退居民安堵明年十月湖北五溪百獠詭辭助順突入城焚

吉安府志

列女傳

五

掠死者相枕藉李及其子友諒女秀瑛俱被執驅之行不從脅以白刃問所求李及其女罵賊求死母子病遇害

危元真妻李氏永新人歸元真問里稱賢年甫二十生一女而元真卒李哀泣幾毀夫家受富人財欲逼之嫁李引刃欲自殺乃止朝夕與其女紡績供食後嫁其女積贏錢萬緡建南平石橋

曠維禎妻曾氏廬陵敖城人至正壬辰紅巾盜至敖城曾氏携男學禮走避爲賊所得欲汚之不從俟

間先刃其子以血題詩于壁曰涇渭能分濁與清
妾身豈肯墮風塵孤兒未必從他姓一女何當事
二人白刃自傷心似鐵黃泉要見骨如銀深山落
日猿啼處過客聞之亦愴神隨亦自盡人咸哀之
事載草木子集

項惠可妻唐氏龍泉人元季至正壬辰春紅巾寇亂
惠可挈家避城中明年謀覆城時山水暴漲守將
連舸而出惠可亦具舟遠避及新林寇奄至麾衆
薄舟唐見事急與其夫決曰居宐速避母顧我我

吉安府志

列女傳

六

良家子義不受汚辱所恨惟老母在相視哀號母
曰汝能取義我獨不能舍生乎遂相繼赴水死時
觀者莫不嘆羨寇亦爲之驚異倒戈相援不及獨
幼子爲左右所奪得免

郭仲稷妻聶氏吉水人年二十生子越三月仲稷亡
父母哀其早孀欲奪其志聶聞之嚙指血誓曰寧
死不復事他人教養遺孤迄有成立

胡烈女永豐胡邦振之女也年七歲聘里之俞勝祖
未及歸而勝祖死父母將改聘胡鬻指泣誓曰旣

以身許之復改適他人吾寧就死強之至三而志愈堅父母不敢奪遂成其志胡紡績自活終身無毫髮玷

陳貞女吉水陳英鉉女也景泰間許聘同里蕭載紱子年及笄而夫死貞女在室聞之憂不自勝數日不食亦死父母與夫翁憐而合葬焉

胡貞女吉水文穆公廣女初廣與大學士解縉侍宴文皇帝于文淵閣 諭曰廣縉少同業仕同官今縉已有子廣空妻之廣俯首曰臣妻有娠未卜男女

吉安府志

列女傳

七

文皇曰定生女越數月果生女遂訂盟未幾解遭漢煦誣譖舉家戍遼胡之諸父欲改適他人女竊入室以刀截耳家人覺而救之見血被兩頰且言曰皇上實主薄命之昏而吾父面承之一與之盟終身不改背 旨違父何以生爲越數年洪熙改元解族蒙宥胡氏遂歸於解事姑孝事夫唯謹姑徐氏多病不離床蓆十餘年浣滌穢汗皆親爲之且知書史姓柔慈側室子女視爲已出卒年八十有五劉氏三節婦廬陵人孫氏諱文貞年十八歸劉遂遂

嬰疾謂文貞曰夫婦本期偕老奈何我先朝壽若
能修節爲好人乎文貞應曰守節婦人事也君如
不諱我何空獨生頃之遂不起文貞數欲自絕旣
三年諸兄憐其年少無子微諷之文負痛哭閉門
不食者數日諸兄懼乃止胡氏諱滿貞年十九歸
遂兄淪旣七年淪病死遺一子綱年甫三歲父母
欲奪其志滿真泣曰夫死以子托我我卽嫁他日
何以見夫於地下且不愧吾孀孫氏乎亦欲自盡
父母知其志堅遂不復言胡氏諱寧真年十七歸

淪之堂弟澗旣澗以疾卒寧真年二十六止生二
子服闋有隣婦勸之他適寧真作色拒之曰吾家
妯娒繼修節行我之則也豈復效庸婦苟温飽以
自活姑盲二十餘年寧真一夜奉持無倦意成化
間文貞年七十三滿真年七十六寧真六十九有
司上其事旌表其門曰劉氏三節婦之門坊廓鄉
藤橋
羅清律妻王氏清律永豐人王自樂安來歸年二十
二而清律亡王自誓守節人或勸之嫁輒泣曰以
一婦人而有兩夫他日死爲鬼亦可羞也我何爲

改節聞者皆嘖嘖

周伯循妻曾氏吉水人年十八歸伯循二十而寡誓不再適隣婦百方勸之使改嫁節婦曰母多言我事非汝所能知也

羅氏三節婦吉水人羅韞園妻歐陽氏韞園卒時歐陽年二十五長子篤溫方二歲次篤良尚在娠越四月始生父母哀其早寡令改節歐陽泣曰妾未亡人也使有異志二孤何託比二孤長篤溫亦娶歐陽氏篤良娶里中袁氏篤溫生子甫一歲而沒

吉安府志

列女傳

九

篤良生子旣五歲亦沒二婦復自誓曰姑爲節婦我屬獨改節乎誓不他乃協力孝養其姑撫育其子鄉里稱爲三節婦

解氏五節婦吉水人劉氏副使閔貫女年二十二夫亡誓不改節孀居五十六而卒子一人解璇妻李氏年二十八璇卒李孀居六十二而卒解璫妻徐氏解琪妻周氏解玉妻曾氏俱年二十餘自誓守節是爲一門五節婦人爲之語曰解氏五節松貞

玉潔

羅文忠妻劉氏諱淑賢廬陵曲塘人羅文忠客死于楚是時劉年二十四惟一女父母舅姑憐其少無子勸改適劉以女託其妯娌素厚者因就寢自縊死死所至今隱隱見形狀事略同譚烈婦

陳公康妻劉氏諱潮泰和人公康蚤卒劉年二十四而寡生子始踰月守節鞠孤長爲娶任氏女不二年其子復卒卒後一月生男任年始十九誓與姑同志學錄梁粟爲作雙節記

張寅妻康氏安福人康氏自少時卽許聘寅寅年十二三隨叔父業官于京師偶失亡冀州父母皆以寅失亡已久家且貧薄欲令改適康氏聞知閉戶自縊家人覺之幸甦父母曰今不復強汝狀汝將何以終身曰吾旣許聘張氏卽張氏婦我豈以其存亡而改也後數年寅歸完娶時康氏年已三十餘矣寅官至大僕寺丞康氏儉約如未貴時每歸寧必躬執爨鄉士大夫嘆賞不絕口

江繼文妻劉氏永新人歸繼文甫三年夫死子玉琳生始八月劉守節撫玉琳八十餘卒州守撰貞節

碑兩經燹變碑獨不毀隆慶間碑陰宛狀露人狀
裙布飄飄狀或恠而磨之不泯久乃益顯

劉賦秀妻彭氏廬陵游田人年十九歸賦秀既一年
賦秀以疾卒彭氏自誓匪他其姑逼之使嫁彭氏
泣曰他日無以見我夫姑強之彭氏閉室自縊而
死時年二十一歲

甯集畧妻吳氏永豐人年十八來歸幾一年而集畧
卒吳氏六日不食決意死姑百方慰解之乃食既
三年母歐陽氏憐其少寡欲諷使改適往視之同

吉安府志

列女傳

十一

寢食三年竟不敢出一語母歸與諸婦曰此女真
鐵石心不可變也

王堯儒妻丁氏出新淦而堯儒吉水人丁氏隨母任
河南堯儒就婚河南時丁氏年十九越三月堯儒
以疾卒遺腹生一女未幾父亦卒于任其兄奔父
喪歸新淦丁氏扶夫喪歸吉水道經新淦其兄強
之偕歸丁氏堅意歸王氏誓心守節與外氏絕往
來雖家貧無依惟以紡織自給年七十二而終

鄒氏三節婦安福人李氏諱菊娘歸鄒會春會春早

卒李氏時年二十五誓不改節謝氏諱妙英歸會
春之叔弟仕管鄧氏諱新娘歸其季弟其式相繼
天歿謝氏年二十九鄧氏年二十四鄧之父母憐
其少欲嫁之謝諷鄧曰吾聞餓死事小失節事大
吾二人誓共守節嬀氏欲爲好人恐不宐怕寒餓
死鄧感泣曰吾志也遂剪髮示無二志日以孝經
小學授諸孤里中惡少期吞其家產日削戴星紡
織以相周給不少渝李年七十二謝鄧年皆八十
而終餘姚王申丞守仁表其堂曰三節

吉安府志

列女傳

十三

周賢佐妻胡氏萬安人真年流賊至貞婦出走賊追
之急貞婦度不能免乃跌坐於地賊驅之起行曰
不能行指輿使乘之目亦不能乘輿賊怒以刃叱
之遂伏地而死極慘酷

王良粹妻劉氏諱志嬌安福人年十六歸良粹九年
以運稅卒于外劉氏撫孤志屹如也比二孤長歸
夫喪塋于欽村遂居于墓側因家焉卒年九十五
鄒編修守益爲節壽堂銘

周必登妻王氏吉水人必登爲邑庠生王氏年十九

歸必登養舅姑以孝聞姑病風二年湯藥必親病
久穢甚滌濯不為厭夫卒玉誓與同死不食者數
日杜門守志潔操皜皜比老歸弔其母一日忽語
弟曰我死屍還周氏頃之無疾卒弟如其言還屍
夫家鄉黨莫不慟之

曾武妻陳氏廬陵南村人歸于武八年夫死孤瑀和
方四歲陳年二十四矢志不二撫孤成立弘治間
詔旌其門

劉啓宗妻羅氏 已旌

周用玄妻彭氏

吉安府志

列女傳

十一

顏有為妻蕭氏 已旌

羅行敏妻劉氏

蔣廣妻胡氏

李修妻王氏

周珪妻劉氏 已旌

以上廬陵人

曾安強聘溫氏女

康仁安妻陳氏 已旌

胡祖與妻嚴氏 已旌

劉志亨妻蕭氏

郭希泰妻蕭氏 已旌

楊起子妻劉氏 已旌

蕭子遜妻劉氏

劉士鴻妻周氏

彭原伏妻劉氏

陳子鉉妻王氏

曾友文妻賴氏

蕭壽遠妻蔣氏 已旌

楊相妻 已旌

王欽妻梁氏 已旌

蕭綱妻郭氏 已旌

曾繼福妻胡氏 已旌

曾思文妻楊氏 已旌

楊復環妻陳氏

朱景學妻羅氏 已旌

羅子弘妻郭氏 已旌

方子鈗妻康氏 已旌

楊崇藝妻蕭氏 已旌

歐陽蕭妻尹氏 已旌

陳玉環妻蕭氏 已旌

劉仲勉妻李氏 已旌

劉仲斌妻故氏 已旌

韋伯魚妻康氏 已旌

白甫善妻歐陽氏 已旌

吉安府志

列女傳

十四

楊玘妻廖氏 已旌

蕭貴言妻王氏

蕭時玉妻梁氏

王世顯妻尹氏

蕭璵妻朱氏

以上泰和人

熊以德妻李氏

楊存海妻曾氏 已旌

楊萬元妻李氏

鄧仲珎妻劉氏

胡稽範妻張氏

易若僖妻劉氏

以上吉水人

張節婦吳氏

湯大亨妻陳氏 已旌

陳內美妻李氏 已旌

丁恒信妻羅氏

羅厚妻曾氏

蔣祥妻楊氏

黃景立妻彭氏 已旌

以上永豐人

蕭子羽妻阮氏

彭文孚妻王氏

周時發妻王氏 已旌

伍極萬妻戴氏 已旌

王美會妻朱氏 已旌

伍希憲妻劉氏 已旌

歐陽顯萬妻伍氏

李存紀妻劉氏

劉嘉迪妻朱氏

劉混洋妻王氏

吉安府志

列女傳

十五

彭球紳妻劉氏 已旌

朱日惕妻謝氏

周梯雲妻許氏

以上安福人

梁圓妻李氏

李節婦梁氏

王均用妻劉氏 已旌

蕭永誠妻羅氏 已旌

以上龍泉人

蕭邦道妻羅氏

王子彰妻郭氏

劉本達妻單氏

彭文彬妻葉氏

劉宗壽妻康氏

劉廣威妻周氏

蕭定竟妻劉氏

張節婦吳氏

以上萬安人

李惕妻劉氏

已旌

李宗輔妻歐陽氏

劉攸妻龍氏

已旌

劉陬妻湯氏

已旌

劉稜妻楊氏

以上永新人

俱見舊志

陳郎聘黃氏女吉水人初黃氏既受聘陳郎頃之陳病癘風而黃氏父母不知其癘也已而媒者言欲得黃氏視陳郎病其父母許之至則見陳室中蕪穢衣被盡沾滯垢惡難近涕數行下躬為汛掃澣濯易以新衣與其卧寢治精糜食之踰月陳竟不起黃氏執喪盡哀已葬父母迎之歸不聽數年翁姑相繼死家傾而守益堅操作自食日舉乙火扁戶紡績族家婦女亦屏絕不通及年五十羅察政始言其事於直指使為題請表其閭

吉安府志

列女傳

十六

羅揚清妻王氏吉水人年十五適揚清一年夫病死久之清兄欲易其節使人語之王氏持三尺繩以對家人陽諾其守而陰受人聘金期夜半強與之

本鄰媪密以告王氏計自經恐泄家人必救解乃
密取夫所遺青布衣衣之戴笠潛出赴池水死家
人蹤跡不可得忽見池面笠露往視之王氏氣絕
莊立不仆

劉烈女者泰和劉清之女初聘張士廉之子張故貧
清爲媒氏所惑議將改適女聞憤罵媒氏自縊死
蕭啓甫妻汪氏廬陵人啓甫以轉運入京病卒訃至
汪慟欲刎者數四姑百方慰之汪曰夫行我從更
之我不可生矣竟潛出投池中死焉家人拾其遺

吉安府志

列女傳

十七

履以歸時年十有九

孫程妻康氏泰和人程爲嘉興同知就選京師母沈
病劇醫言不可治康乃禱于天剗左臂肉和藥以
進沈病遂愈

歐陽嵩妻劉氏季姐泰和人嵩爲郎中嵩卒時劉二
十五歲誓隨正室蕭宐人守宐人曰此非易事且
汝無嗣何爲劉曰有宐人在死生以之竟與其卧
一室供績紡不窺外戶宐人病劉侍湯藥月餘衣
不解帶宐人慰之曰汝善自愛吾死有兒歸養汝

劉曰妾矢志與宀人同生死宀人萬一不起妾敢
愛生未幾宀人卒劉哭盡哀視殮畢遂自縊柩旁
年五十一

曾烈女叙貞泰和人父許聘同里任鋼鋼隨父任卒
訃聞貞女自縊死適鋼櫬歸遂塋同穴

曾周易妻羅氏泰和上模人嘉靖辛酉值流寇至周
易遇害欲執羅羅哭罵賊賊怒鎗其腹貫至喉下
猶諤諤聞罵聲死隆慶間 詔旌其門曠子雲妻
袁氏被虜誓不辱抱男崇昊半歲棄道旁投水死

吉安府志

列女傳

十六

時哀年二十五子雲義之終身不娶胡孟賞妻劉
氏寇至被執罵不輟口賊支裂之邑人稱三烈婦
劉氏雙烈安福人劉蘊球二女也蘊球客思州二女
長爲金田王邦潮妻次者未嫁未嫁者年十八婦
年二十五會苗破思州殺掠慘毒二劉氏倉卒相
携赴澄塘水自沉死先是王婦乳兒才二歲自度
勢急裹兒裙布置石崖中乃死已而賊去女僕得
其子投張指揮家指揮爲購死者於澄塘面如生
仍兩手相携始收歛之遂列其事白軍門褒嘉之

給驛歸視塋其里

王世昌妻易氏安福人初易氏自分安歸昌昌已遭疾獨奄奄不絕者十越月易亦不解帶者十越月惟左右侍藥物昌竟死易除喪猶縞素姑憐之謂子實處子吾子可終累子乎易跪曰先君許我王氏則王氏婦卽未入門我心固不移况旣見尊姑矣所不終事尊姑者有如河水且妾問二兄每語及失節婦輒欲唾罵我忍以此身而辱家門二兄蓋指易君弘器兄弟也萬曆間部使者列上其事

吉安府志

列女傳

十九

詔表厥宅

顏簡妻伍氏安福人簡故貌侵且遭疾伍旣歸執婦道益恭亡何夫卒誓不再適有軍人李敦率衆欲強娶之伍自經死事聞 詔旌其門敦坐論死先是江西俗生女多不舉而男子或過時無配輒起訟端撫臣因敦事并請嚴故殺子女之律 上可之時嘉靖五年四月也

王副使世文妾桂秀安福蒙岡人當世文歿時遺妾桂秀年甚少聞主母將遣之自縊死尚書王學夔

爲題其墓曰烈妾

彭紹三妻周氏安福嚴田人嘉靖壬辰年值強寇攻嚴田擄周氏周姿色殊衆羣盜屬目驅至巢以刃加頸脅使更衣憤罵賊曰奴速殺我我已決一死矣盜憐其色不加害明日脅之亦朕又明日脅之亦朕盜度不可近乃殺之罵愈厲斬其首棄壑中數日得屍如生

劉應壽妻彭氏萬安人劉爲邑庠生卒彭年十九遺孤僅兩月彭矢志自守跡不踰寢門茹苦食炎家

吉安府志

列女傳

二十

人時聞其中夜悲愴之聲莫不爲酸涕卒能存一綫之緒於伶仃困苦之餘萬曆十二年部使者列

旌其門

楊通政載鳴妻蕭氏泰和人適楊踰月而載鳴卒于官蕭矢志殉水漿不卽口者五日所親交勸之始稍就食歸而自爲纓卸容飾足跡不踰閭餘二十一年應門獨三尺女同家子姓求一見不可得當楊死無尺孤伴左右而楊宦橐蕭朕絕無所利又結禱才四十日於伉儷之情表甚牽縈而蕭堅持不

渝如是斯其賢於人遠矣其率也邑人無不嗟悼
之知府余公之頑為列其事上三院題請旌表焉

曾謨妻郭氏 已旌
劉顯泰妻楊氏 已旌

曾世臣妻劉氏 已旌
歐陽昭妻劉氏 已旌

胡充妻曾氏 已旌
以上俱廬陵

歐陽昭妻劉氏 已旌
歐陽昭妻劉氏 已旌
歐陽昭妻劉氏 已旌

胡日舒妻歐陽氏 已旌
尹門雙節郭氏蕭氏 已旌

孝婦員外張峰妻劉氏

吉安府志
列女傳
三

以上俱泰和

烈婦李處恭妻周氏
周梧鳳妻宋氏 已旌

周翔鳳妻藍氏 已旌
陳漢妻劉氏 已旌

以上俱吉水

彭勉恢妻歐陽氏 已旌
蕭廷英妻彭氏 已旌

謝寶妻朱氏 已旌
姚相魯妻歐陽氏 已旌

王良相妻歐陽氏 已旌

以上俱安福

烈婦項瑋妻彭氏
烈婦彭選元妻郭氏

以上俱龍泉

周禮妻劉氏 已旌

劉得妻李氏 已旌

賀備妻李氏 已旌

千戶高震妻朱氏 已旌

以上俱永新

劉來咨妻蕭氏年二十三夫歿撫遺孤哀毀骨立父母憐其少欲奪之氏泣不已謂父母愛女而忍使與狗彘同行耶已而姑亦歿氏艱苦萬狀資紡績以給衣食年八十有四而卒羅文恭表其墓聶貞襄碑記之同族又有順德妻朱氏亦少年貞守

吉安府志

列女傳

三十一

田稅妻王氏年十九稅天遺孤方數月節操不貳崇禎十年具題奉 旨旌表

胡觀聖妻劉氏翁昌所得痿疾坐卧櫛沐需人氏扶持罔倦亡何夫先翁率氏事翁益謹三十年如一日翁率拮据殯葬成禮及氏臨歿囑其子鴻達鴻生曰忠孝存心四字而已歷奉有司旌表

歐陽邦傑妻羅氏年十五歸邦傑未幾邦傑死年二十矢志守節家貧紡織供爨事姑至孝誨子有成年六十率有司上其事候

旌

郭氏九節者郭願學妻劉氏月娥年二十一守節

郭永堅妻金氏主娘年二十夫歿矢志不他會里中

寇亂氏遇賊不辱赴水死 郭安泰妻劉氏秀英

郭安鼎妻劉氏妙靜 郭敬儀妻王氏 郭敬

熙妻陳氏慈貞 郭厥禎妻劉氏阿嬌 郭厥蘊

妻戴氏芹英 郭氏室女參姑許適蕭生生歿參

矢不他諸父受他姓金謀奪其志參聞自經死

曾蕭妻蕭氏年二十蕭歿子超甫四歲堅志守節萬

吉安府志

列女傳

三三

曆壬寅奉 旨旌表超娶劉氏年二十三生子宏

方一歲而超卒劉氏同姑共撫遺兒暨宏長娶歐

陽氏年二十五生二子長球四歲次琦僅一月而

宏又卒歐陽氏自矢曰祖母與姑俱為節婦吾何

敢墜家聲乎亦決志孀居稱三世貞節云

李尚友妻羅氏友卒無嗣氏年二十一喪葬成禮矢

志孀守事翁姑惟謹翁姑歿歸羅與繼母李氏交

相砥節卒年六十

生員丘山妻劉氏年二十三山歿氏慟哭幾絕姑救

乃甦有勢宦挾娶氏剪髮立誓寧死不二代夫養生送死歷五十餘年順治十七年奉 旨建坊旌表

羅欽堯繼妻李氏年二十一堯卒斷髮矢節堯先妻女敬姑適李而婿夭亦慕母行歸而孀守後值兵起李語敬姑曰時艱至此止有一死耳丙戌兵入境未及逼李氏赴水死歷奉院司旌表

楊潮女淑姑許字羅氏子未嫁而羅氏子夭女誓不冉字父母強之乃引刀自刺幾斃既又有強委禽

吉安府志

列女傳

二四

者女聞躍入井為隣母救免以紡績自給凡五十餘年崇禎十七年巡方周公具疏表揚

劉護妻孟氏秋姑歸劉三歲會乙酉兵起肆掠氏與李氏女匿山中兵至皆登樓自經死李氏女為孟丑妻雖入門猶未成禮順治十五年奉 旨旌表

郭壯猷妻王氏年十九值戊子之亂被賊執欲辱之不從驅之行狀地大罵賊怒斷其手罵不絕復斷其喉而死當事嘉其節上請候旌

蔣氏三烈者其一為慶熾妻蕭氏一節熾嫂周氏而
陳氏者則熾子之俊妻也丙戌兵起蕭與周皆孀
居義不受污預誓死兵至蕭登樓自經周繼之升
梯及半兵揮刃殺之陳與其父俱被執至夏塘門
陳語父曰兒見姑與姆皆死矣夫存亡不可知兒
必死夫存取吾骨夫亡則取其骨與兒同穴遂投
水死

彭瀛妻胡氏年二十一守節萬曆甲寅巡方顧分疏
題奉 旨建坊旌表

吉安府志

列女傳

三五

劉煨妻曾氏忠毅公喬孫女也煨歿氏年二十五矢
志孀居艱苦自給教子有成六十四率有司旌之
曰純節 以上廬陵人

楊天挺女石卿端卿皆殊色一初字人一未字順治
戊子遇兵誓死不從殺一婢愛玉恐之不為動昂
首掠髮必求加刃兵猶顧惜二女極口詆罵奮起
粹擊裂其衣兵怒俱被殺

王沁臣妻孫氏年十九歸王一載夫死父母議改適
遂自縊詔建坊旌

彭曰翔妻孫氏年十八歸彭已丑二月從夫避兵忽
騎兵突至相失隔水望見夫中箭以為必死號哭
投水夫後免而孫竟死于水

通政楊公載鳴繼妻蕭氏歸公兩月公仕京師明年
率于官蕭矢志孀居數十年雖族戚罕見其面年
五十四率萬曆十五年奉 旨建坊旌節

霍山令廖韶繼室朱氏公以考績謁總漕于淮率于
旅次孀八年二十五哭之慟扶柩歸塋事姑孝卷
脩至撫一孤尤恩勤憐大兒失母愛同已出俯仰

吉安府志

列女傳

三六

之資悉由杼機

侍御楊仁愿母歐陽氏歸楊赤玄甫婚而玄讀書吳
門數年偶歸酉昌生仁愿數月玄率時歐陽年未
十斷釵毀容誨兒就學仁愿稍長多病歐陽丸
煎佐讀每清夜聞書聲不輟輒泫流涕曰兒亦
知汝毋忍死孀韓伶仃一生者乎仁愿率成進士
後以其事請于朝奉 旨建坊進封大安人年七
十二率 以上泰和八

生員胡中洋女年十六未字崇禎癸未張寇陷城有

鄉人導賊入其家乃逃于天玉山遇賊欲污諸婦
次姑憤恨罵不絕口賊怒斷其左臂愈罵益厲山
乃于頸而死

婁永齡妻藍氏年十八適婁僅一月忽病不起氏痛
絕矢死靡他足不踰閭外其苦茹淡事三姑盡孝
撫繼嗣如已出巡按御史周公具題奉 旨建坊

旌表

胡文煥妻解氏滿蘭年十五歸胡六載夫亡日夜痛
哭幾絕姑救乃甦語之曰夫有不可死者三夫死

吉安府志

列女傳

二十七

未殯姑在堂子襁褓無婦奚托聞言節哀貞守三
十載年五十卒

李士開妻歐陽氏宋氏先後歸士開貞靜敏慧宏其
家甲子朱舉子歐喜甚忘其非已出也丙寅士開
殉弟歿歐抱孤哭于寢顧獨不見宋視之乃扁戶
自經啓門入救得不死頃之又縊復救之慰者以
撫孤爲辭宋哭曰天乎吾不忍于逝者何知存者
吾必舍吾生而相從于地下耳歐與宋相對哭歐
則撫其孤曰天乎吾豈不欲舍吾而從逝者顧從

逝者則存者奚托汝若不自存吾與汝俱逝宋強
起斷髮旋斷一指矢不二自是兩人形影相依屏
錦綺不御歲時上祀泣盡哀教子讀書丙夜不休
宋忽疾撫其子嘆曰吾所以留吾餘息者汝也今
可矣却醫藥遂不起歐又撫而哭曰天乎汝得從
逝者矣吾何賴焉踰數歲而卒御史上其事奉

旨建雙節坊

彭子恭妻李氏十九歲喪夫或以少女故勸他適李
弗從里中富家子至逼脅終弗從曰吾不能從夫

吉安府志

列女傳

三八

死姑在吾從姑耳孝養備至四十餘年不衰教子
成立耆紳士上其事於順治十五年奉 旨給銀

建坊旌表

黃良寵妻羅氏年十八守節壽七十歲卒巡按御史

田公題請奉

旨建坊旌表

以上吉水人

生員蕭衡良妻黃氏聞獻逆寇吉黃氏知禍將及其
兄有二室某氏素不洽氏思可以同志者惟此嬾
爾遂呼與決計曰苟遭寇手願同赴死無蒙羞及
寇至兩人大聲詈罵携手赴水寇憐而出之罵愈

厲曰誰從汝手偷生竟死

廬陵人

徐惟元妻廖氏年二十一守節四十餘年卒 丁森

和妻張氏年二十四喪夫撫其孤及長而孤夭張

又撫其遺腹孫笑笑一室數十年如一日有司屢

旌之

鍾香五妻羅氏家貧井白自操順治七年夫卒羅氏

痛哭幾絕貧不能殯葬有香五友資助之其意在

羅也羅覺之罄所有以酬日夜飲泣絕口不食自

縊死

吉安府志

列女傳

二十九

趙昌期女淮秀年九歲父歿號痛幾死者三庠生王

前納采聘之于歸淮秀爲山寇所執堅抱道傍

松厲聲大罵寇怒斷其一手死

以上永豐人

郭中怡妻夏氏廬陵廬田人壬辰冬亂扶姑避兵姑

弗良於行遂被執百折不辱激烈投水而死

紀氏者臨清人也劉秉監副河南時納爲妾憲副以

忤權闈被謫量移潮州遷守臨安卒于舟次紀撫

柩哭曰妾不難一死所以不死者幸有娠耳得男

則生否則死起三月子苑生紀年二十二抱苑告

廟誓與孤爲存亡儕輩或誘之他適紀指芑謂曰
是煢煢者誰撫耶言者愧止

舉人鄒美妻周氏年十七歸美二十九美疾卒周慟
絕自經者三賴其姑救免矢志督誨諸孤親課其
業稍懈則杖之或言動失儀則又怒罵之曰而母
孀苦爲何而乃肆耽樂耶諸兒遂奮志勵學長泲
成進士次泲以明經任南太和令次澡貢監有文
學孝行泲爲御史時建言國本罷歸拜庭下周慰
之曰幸汝不愧先文莊吾復何憾萬曆甲午 詔

吉安府志

列女傳

三十

旌其門曰貞壽

劉永妻周氏永以貢授廣東增城令卒于官朱年二
十八二子方在襁褓矢義不負性嚴正其弟朱調
年五十有奇每拜謁輒立受不爲禮終其身如處
子閨門之內肅如也卒年六十七

劉蘭妻王氏夫故氏年二十矢志守節母勸之改適
遂斷髮食貧終身有司旌之

王三重妻張氏性端淑事姑孝家貧以紡績爲其旨
姑病張引刀封股爲糜啖姑時方晴晝忽迅雷震

電遶其室臺臣上其事 詔旌曰純孝之門

劉氏三節婦位妻康氏仕妻周氏俊妻姚氏並勵貞
搯位八歲能文屢試不就憤抑成疾康氏年十八
封股牧療不效短髮毀容矢志不二幼常讀綱鑑
以忠孝節義自期率壑外氏後托箕賦詩有朝夕
思歸路孤墓無人看之句其後感之乃歸合塋焉
俊性純謹事親孝早歲病率姚刻苦撫遺孤有謀
改適者以死自誓時年二十一孀居者五十三年
仕讀書少有奇氣年二十四病率周氏爲之事翁

吉安府志

列女傳

三十一

姑教幼子如仕存日年六十九以壽終三節婦者
前後撫卹交旌其門天啓乙丑直指張公上其事
奉 旨建坊焉其後一飛妻彭氏亦十九守節人
稱世節劉氏云

鄒承明妻顏氏年十九承明以勸賑身暑寢疾率顏
自經以殉姑覺之以老親幼孤爲言乃忍死閱十
四年足不渝戶侍婢不見齒繩其孤世蘭以志于
學一日遭疾且革醫來煩堅不入手使盼視蘭計
無所出封股爲羨以進稍延一月而率直指疏上

其事給粟帛以旌之其兄亮明妻周氏年二十三夫死守節事姑以孝聞崇禎辛未巡方葉公疏題奉 旨建坊旌表

彭璵妻劉氏璵國學生試北闈不第鬱鬱病以卒劉氏年二十九奉夫遺命事姑孀撫嬰兒孀居五十餘年足不踰閭遠近戚里未嘗一窺其面崇禎十二年巡方邢公具題奉 旨卽其家建坊旌之

康元穗繼妻曾氏穗成進士令兩邑報最以天啓五年忤璫卒京師曾氏年十九泣血誓殉賴家婢勸免忍死撫教藐孤曾氏性貞純遇下以厚家故貧拮据荼苦人所難堪族戚賢之無間言順治十五年巡方許公賜緡穀旌之候題

歐陽燿妻彭氏燿爲諸生早卒彭氏年二十矢志守節撫遺孤有成夜分熒熒一燈書聲與績聲相和數十年如一日也邑人上其事於直指使屢褒異之賜緡穀候題

顏氏三節婦旦妻劉氏年二十三喪夫守節壽八十五卒萬曆辛丑曾孫欲章赴公車放榜時夢劉拊

其背曰汝捷矣勿忘吾一生苦節也欲章舉第疏
聞奉 詔旌表 月崖妻劉氏崖早歲卒滇南劉
年方十九撫遺孤纔十月耳矢不二節卒年八十
五 有容妻王氏十九歲喪夫鞠其遺孤令聞令
聞又早卒育其孤之子以有成年六十以壽終

彭杜若妻王氏弟眉祝妻劉氏會狂寇壓境途遇賊
王赴水賊力援之王罵益烈沒水益深死賊逼劉
氏劉曰嫂死吾不能獨生賊怒連創數刃亦死翌
日嬪之二人內外衣帶縫結不可解蓋其持之有

吉安府志

列女傳

三十三

素也同日里人鄧金奏被賊執加刃將刺妻周氏
出曰願以身代賊乃釋金奏脅周上馬不從罵賊
而死又南里諸生郭治隆被賊執挺刃欲加治隆
妻康氏以手當之斷其二指賊怒治隆遂遇害復
逼康康就刃自殺賊感悔以土覆屍而公

王才生女年十四未字避賊外祖鄧某家鄧婦周氏
遇害女藏密林中賊見之掖上馬三掖三墜大聲
詈曰金帛吾所有寧死不從也賊知不可奪斃之
馬下

劉光衍女遜玉年十六因母曾氏病篤祝天祈代引
刀封股肉和羹以進母一啖而甦有司褒異候題
劉尚賞妻王氏女蓉玉適諸生歐陽光繡襖其未暮
兒歸寧時兵往來袁吉而北里其衝也兵至王氏
携女急避後園園有沼兩騎排墻突入揮刀咄咄
王氏與女並嬰兒躍入水水僅盈尺而三命俱殞
歐陽氏女雪玉未字守貞年六十餘卒邑人康若生
有詩傳其事曰隣家有好女自名爲雪玉顏色如
芙蓉纈雲眉黛緣八歲喪阿爺十歲學結束十三

許聘卽阿里少年子何以致相結雙珠兩垂耳未
識卽顏面之子遠行市行行去未返傳言病不起
女心匪轉石朱容付流水阿母與阿姑更偕沒汝
齒女流涕被面致辭復長跼兒身無再許伶仃長
已矣阿姑與阿母兒去當誰恃明月照流黃機杼
鳴未已嚴霜度寒夜孤燈深闥裏堂上奉阿母堂
下無阿婢其脆與短褐給使惟十指阿母與阿姑
心計未能足詭言卽當還姻媾行復續別飾阿里
子云是卽返市殷勤告阿女相應聊爾爾阿女復

長跼兒心不有此卽歸知無期珍重雙環耳再拜
勿更道母言自此止一夕復一朝一朝復一夕秋
風動素帷長更催刀尺上裁阿母裳下製阿姑烏
阿姑忽短世女聞泣狼藉中道遭母喪哀鳴如曩
昔有弟生事促累女獨窶空經營兩家內可憐女
身隻八歲喪阿爺十歲學結束十三許聘卽未識
卽尙目只今年四十有淚空敷敷潔貞有此子無
嫌字雪玉 以上安福

郭天寵妻康氏寵爲弟子貞屢試不偶康曰獨無他

吉安府志

列女傳

三五

途致身乎遂棄儒以策于夏撫授把總有功陞萬
安營守脩會山寇劇巡撫劉光濟疏主撫虔撫張
狃疏主剿題授寵宣威將軍總所轄兵平寇斬獲
賊首王金槐等某縣丞者轉餉不繼恐得罪誣寵
於撫軍繫寵榜掠久乃釋時訛言寵已斃康慟曰
吾改夫志致夫死夫死吾獨生乎遂投河屍流三
十里三日面如生巡按張銓疏聞奉 旨表其閭
王仁佳妻郭氏年十九仁佳卒其孤甫一歲忍慟養
姑率瘠拮据奉養脩至以壽終奉 旨旌閭

李奇藝妻張氏侍御啓元孫女也年十九歸藝未幾
姑疾奉侍孝養不倦姑卒夫廬殯次三年憂傷死
張號慟誓以身殉衆環守得免既除喪或欲奪其
志張抉面截髮昇櫬於室謀乃寢後撫兒子汝禎
以嗣藝茹荼忍苦三十餘年督其子於成所居向
有枯榴二株張矢節時一株復茂崇禎甲申五月
忽萎折七月有紅光墜地大如斗九月張感疾卒
彭惟岑妻謝氏年十六歸岑岑卒遺孤尚幼舅姑憐
之使改適謝泣曰吾固宜死所未死者以此藐孤

吉安府志

列女傳

三六

耳今不諒我我復何情遂斷一指自誓昏絕復蘇
水操二十餘年丙戌翁姑相繼卒謝綴紉自給壬
辰歸寧外家寇逼投河死屍浮至彭境江岸溯河
不忒數日子得之殯于父岑塚

以上龍泉人

賀之熹妻龍氏熹赴試率闈中龍年二十一斷指誓
節以撫幼孤有貴顯以厚金紹姑改醮者龍以刀
刺面姑強之遂赴江而死

周長清妻劉氏珍娘湘陰令廷諫孫女也年十六歸
周甫七月張獻賊入境姑命以所乘輿昇之出避

劉曰奈何以倉皂廢尊卑禮姑乘輿先行劉爲賊追及露刃迫脅乃大罵曰吾頭可斷身不可辱也賊怒褫其衣劉襦袴皆密縫卒不可解賊亦亂下遂死越三日色艷如生同時周振元妻陳氏金瑞生妻賀氏劉守臯妻歐陽氏唐濬中妻劉氏龍刪易妻蕭氏生員左興國妻朱氏湯家渡官田兩室女袍陂樟梘新田三義婢雄虎灘一舟十婦皆一時杭節

左大噐妻顏氏被兵逼投水死次日求其屍植立水

吉安府志

列女傳

三七

中不仆顏色如生髮乾燥不濡見者敬異同時劉子顯妻賀氏汪文龍妻譚氏皆罵賊被殺如尹生俊妻王氏賊脅之不辱斫其顱三日而避人以為天佑焉

劉濟滂妻尹氏抗節罵賊死邑人劉作楫爲長歌贊之曰天地皆春夏松柏不生光芝焚蕙亦折蒲柳偏凌霜當其結禱日明誓永不忘一旦罹喪亂赴難不倉皇再拜辭妯娌長跪謝姑嫜卽存與俱存卽亡與俱亡鴛鴦會雙死同心敢參商義兼情並

至千秋淚亦傷血染清波上湘娥弔紅粧辭曰安
樂易親禍至無隣明月白蘋秋風起胡不視此閨
中人

張驥妻潘氏驥博學能文尤長於詩書忽病危潘一
夕夢神人告曰汝封右股肉以食許延夫壽六歲
潘寤卽舉刀剜以進果如神言乃卒

劉雲崖妻龍氏雲卒年二十二守節事舅姑撫育二
兒一夕有神物倪于側婦正色厲聲曰天地可質
何懼汝焉遂隱不見同邑劉載謨妻戴氏汪師且

吉安府志

列女傳

三八

妻尹氏劉進甫妻王氏史嘉良妻周氏李日顯妻
左氏左錦四妻段氏左鴻妻李氏蕭建謀妻李氏
宋禮邦妻尹氏盛學樂妻孫氏左應家妻賀氏賀
世壽妻蕭氏顏以明妻彭氏汪孔時妻彭氏張邦
載妻尹氏皆少年矢節如金日景妻劉氏回娘孀
居其子尋天與婢隨貞相從亦終身不配陳審妻
劉氏永英年二十二守節壽百歲始卒

以上永新
人

王紹儺妻劉氏

羅以康妻曾氏

歐陽秋妻高氏

蕭騰妻左氏

郭鎮京妻趙氏

黃道芬妻劉氏

劉以德妻李氏

歐陽繩武妻周氏

黃正裳妻劉氏

劉天柱妻彭氏

高立妻郭氏

蕭之疑妻吳氏

蕭衡良妻黃氏

蕭彬妻郭氏

王潮妻劉氏

王世新妻傅氏

蕭聖紘妻張氏

王穎妻劉氏

以上俱廬陵

蕭良杰孫女丁娘

王奇方妻李氏

吉安府志

列女傳

三十九

吳國龍妻蕭氏

蕭宗道妻郭氏

蕭師儉妻謝氏

楊寅冬妻郭氏

劉端謹妻朱氏

蕭良就妻彭氏

王錫珪妻劉氏

王起春妻周氏

陳秉懿妻歐陽氏

劉法妻曾氏

楊寅勛妻劉氏

曾大敬妻劉氏

蕭瑞孚妻王氏

陳邦位妻蕭氏

劉君存妻鄧氏

高道權妻康氏

孫之蕃妻曾氏

以上俱泰和

劉時禎女公莊

劉探女清潔

以上俱吉永

宋元卿妻鍾氏

以上永豐

王卿行妻劉氏

王勳妻彭氏

張瑚妻李氏

王子宏妻洪氏

謝惟淵妻劉氏

郭賢妻袁氏

王正宗妻劉氏

易德興妻劉氏

吉安府志

列女傳

四十

胡冲妻劉氏

以上俱安福

項容愷妻彭氏

彭以見妻劉氏

彭之純妻劉氏

彭之綬妻康氏

張元鈿妻彭氏

鍾靈妻項氏

郭玠妻羅氏

梁懋熙妻郭氏

以上俱龍泉

我吉州稱忠節之邦亡獨丈夫而聞家令姓貞婦
淑女所在而是舊志已載悉加纂錄嘉隆而後書

之又 不勝書也 采其既聞于 朝者 著之篇而臨
難守 禮其蹈白刃不爽其操 雖不盡旌也 亟書之
悲其志 爾若夫 潛德弗彰 固當十倍 欣事涉幽曖
莫之可推 攷已 蓋操筆而三嘆之也

吉安府志卷之三十 畢

吉安府志

列女傳

四十一